

四庫全書

集部

欽定四庫全書

穀城山館集卷十五

明 于慎行 撰

七言律詩

賀孫湛明侍御新第落成

青山甲第卜居新，燕雀高飛喜氣馴。
座上潁霞三島曙，階前寶樹四時春。
藏書自校文園草，閉閣全踈綺陌塵。
更見祥源開子舍，天風吹送石麒麟。

時值孫公
舉孫及之

春暮山遊邂逅中貞宗侯別後却寄

十年魯道渺予思邂逅名山若有期
文雅自承中壘後賓交無謝建安時
看春正對花如雨感舊應憐鬢有絲
揖別峰頭勞望眼馬蹄蹀躞出林遲

題孫侍御百尺樓

仙家何地接蓬萊畫閣平臨百雉開
遶檻溪山春隱映宿窓星斗夜昭回
雲臺舊抗匡時疏天祿還翹著賦才
莫謂長安看較遠紫薇深處是三台

平陰徐南龍令君夜邀別後有詩見寄賦此酬

謝

傾蓋相逢意頗深
高軒銀燭夜沉沉
斗邊久識豐城劍
堂上初聽單父琴
百里謳吟欣化俗
千秋風雅重知音
別來復枉瑤華贈
回首山城思不禁

山中懷寄沈龍江先生

劍履當年別漢宮
每從先進想流風
安危正卜山中相
著述方傳河上公
梁苑池臺明月裏
魯門花樹片雲東

書成何處還堪寄腸斷南樓度早鴻

閒居懷沈幼真司成

長安城角寺門前把臂魂銷十五年夜鵲空迷千里月
春鴻未帶五湖烟眼中綠鬢人俱老身外青雲事可憐
屈指藏山多所著不知玄草向誰傳

送蔣監臺文學校士東省事竣會試北上

鼓篋吳門賦北征翹材又進魯諸生華林欲帶瓊枝長
龍種還媒駟耳行馬上寒星冲佩劍霜前殘月墮離觥

春來却望看花處
五色宮雲滿禁城

得李大宗伯丈報書酬寄

渝州昨日使還鄉
始得岷峨字數行
讀去不知雙淚落
別來已是十年強
人間歲月何流易
天外風波正渺茫
兩地青山俱不負
儘堪漁釣老滄浪

寄沈幼真年丈

吳江烟月夢中殘
起坐空堂念所歡
別日只憐分手易
歸來便覺寄書難
斗邊共識張華劍
天上誰彈貢禹冠

莫問同遊最年少蕭蕭鶴髮照漁竿

懷寄林弘齋大卿館丈

燕市分攜歲頗多烟江渺渺奈愁何雲間上客顏何似
海畔書生鬢已皤望月幾回迷遠夢緘魚無處遡流波
還思少小追遊日腸斷春城白玉珂

石樓觀穫

樓前高柳晝成陰樓上窓開夏日深隔岸鶯聲猶似管
迎風麥浪已如金奚官唱罩遙分隴野婦提筐漸滿林

幸藉薄收供早稅憂天且釋老農心

憂旱

五月欲過猶未雨秋苗漸槁青可憐白日火雲但裊裊
半巖泉水空涓涓北來流離滿道路西望邑里踈人烟
城頭鼙鼓復不罷勅使普天飛索錢

夏日石樓夕望

登樓聊復當登臺小戶踈簾面面開遠檻溪聲千澗落
垂天雨色萬峰來時艱驛路多豺虎民力秋原半草萊

醉倚石闌成永嘯高城愁聽角聲哀

登樓

重門無客少時開獨上高樓坐不迴落日霞光還潋灩
隔城山勢自崔嵬時名正可拋詩卷世事惟應付酒杯
悵望冥鴻方有念羣飛燕雀莫相猜

四月八日約高年諸丈東園開會

首夏張筵聚草堂耆英高會踵遺芳遊仙未覺丹霞遠
浴佛初經慧日長新竹娟娟看欲翠殘花冉冉折猶香

城中酒伴俱華髮莫放青尊佐老狂

寄董太初令君

平生詞海渴人龍下邑欣傳借魯恭祇畏攀轅期更早
不知傾盖事難逢三年夏省還真拜百里春城但素封
衛水齊山非謂遠論交何日得從容

董司馬寄示春懷八首附此奉答

山齋誰寄四愁篇儒術家聲自廣川健筆憑陵寧玩世
長吟激烈為憂天少陵苦思應同調北地雄詞可並傳

此日君王歌雲漢試調繁露佐祈年

宿雲樓閒坐

久將心事付山靈石几焚香對翠屏
萬里秋聲雲外雁一天寒色雨邊螢
閒來只自燒茶竈病裏憑誰著酒經
總為此中堪避地不教人指少微星

送張崑江文學北還

蕭蕭一劍馬蹄輕家在燕南幾日程
自著逢衣遊上苑曾將寶訣覓長生
風高古道鳴蟬急天闊平沙落雁橫

老我巖棲愁病客與君何處訪蓬瀛

送徐南龍令君北上

盧子城頭問去蹤不堪別恨結遙峰
春風幾發河陽樹客路重趨薊苑鐘
豈有明珠藏薏苡惟餘長劍吐芙蓉
浮雲西北休愁思霄漢還應雨露濃

贈王文學中柱南旋

衡門誰為駐歸驂國士名高舊所諳
馬首春風辭塞上刀頭明月憶江南
楊穿百步才無兩壁剖連城獻至三

此日漢庭推授受石渠同異待君談

沈大宗伯使問寄謝

憶昔趨陪禁苑遊宮霞日日五城樓十年夢隔金華漏
千里心依玉樹秋望裏雲鴻能北向愁邊河水自東流
知公容鬢今何似魯國書生已白頭

西山夕眺

城上高峰帶晚烟峰頭石閣啟秋筵空巖雨色寒相入
曲洞松枝靜可憐落日千帆飛鳥外浮雲萬壑酒杯前

遼陽烽火何時斷
醉眼愁心望遠天

南池水亭

池上亭臺下築深
石橋西畔萬峰陰
流來曲水廻通岸
栽就新松稍作林
天杪雲霞時隱見
鏡中魚鳥共浮沉
閒心未欲酬漁父
落日滄浪靜自吟

夏日東園方胥成小集

五月虛亭載酒過
疎林高樹晚涼多
馴將鶴子閒能舞
飛出鶯雛小解歌
城上斜風吹暮雨
洞門白石長春蘿

炎天遠道君何往且醉花前金叵羅

石樓新雨

穀城峰下晚霞沉
黃石樓頭暮雨深
正見氤氲生遠岫
旋看颯沓滿平林
朝廷可下捐珠詔
田野空為種豆吟
縱獲西成民已困
只應重雨櫟陽金

送思修上人南遊

花前別思重淒然
秋色迢迢望遠天
結夏久棲祇苑樹
逢秋又上越江船
衣冠到處成蓮社
雲水何方款梵筵

總是禪心無去住可教清夢及林泉

聞里中健兒歸自朝鮮述軍中事有感

從軍年少說成功道逐樓船過海東
幾見蠻烟迷月黑曾看獵火照波紅
椎牛已自空夷國賜幣還應出漢宮
嘆息愚痴石司馬枉將七尺殉和戎

壽謝仰潛令君七十

赤纈茂宰漢郎官文物家聲奕代看
江左風流傳作賦雲中節鉞頌登壇
河陽去後花成樹彭澤歸來菊可餐

大是清朝真隱在白頭湖上理漁竿

寄題李棠軒宗伯玉華洞天二首

新開靈窟起何年舊號青城小洞天千古山川留勝蹟
一時名字証真緣丹臺曉落綿江月石室春浮寶樹烟
自是君家稱相館三巴別業似平泉

城傍林壑遠囂塵卜築當年隱上真玉几金牀三島勝
琪花瑤草四時新祇疑平地探靈境不識前身是主人
亦有洞名爭未得可憐天隔錦江春

吾邑雲翠山洞
亦同長春舊名

秋日酬寄周二魯符卿

萬里秋江入畫圖望中人已北歸無十年海畔烟波迥
一疏朝端日月孤國論當時頻倚借民生何計許昭蘇
只求且漏漁竿稅著得扁舟在鏡湖

寄送于念東符卿南上金陵

滿案除書報最先主恩那不念才賢兩都地望符臺重
一代才名藝苑先楊子月明沽酒市秣陵秋色渡江船
舊遊可得追尋徧扈從還依尺五天

九日南溪汎舟

節過重陽菊未花且隨白露汎蕙葭十年自卧滄江雨
九月虛浮漢水槎鼓角城頭當落日樓臺天上歛殘霞
不須却羨龍山會定少林光似若耶

送鄭文學明景貢入成均

首奉徵書詣上京儒家舊業世康成齊門久薄吹竽調
燕市初高擊筑聲繫肘方書多要妙臨池墨帖更縱橫
漢庭待詔須才子莫負扶搖萬里征

送畢侍御印石按貴陽

七月清霜下御隄乘輶又到夜郎西
新開漢郡連三楚舊領蕃方帶五溪
東觀聲華人地遠南牀名字斗山齊
即今滿路逢豺虎白簡能忘萬里題

寄賀公孝與吉士

閣夜青藜可更探君家文物滿齊南
明堂舊禮傳公玉石室新書續馬談
此日去天真尺五當年聚獄是星三
山中酒畔頻聞喜幾度封題待爵函

葉臺山宗伯入賀過訪夜集

黃石峰頭駐綵旃蓬蒿三徑埽寒烟他年別夢金閨迥
此日秋聲玉樹偏幸有卿雲能捧日不須杞國浪憂天
山深朋舊相逢少莫厭城笳觸酒筵

葉臺山宗伯舟次寄詩酬謝

露白楓林菊有華轉從寒水望蒹葭千秋共會呼嵩禮
九月初迴上漢槎篋裏明珠來照夜帆前紫氣過成霞
江干不是淹留地到日詞頭已進麻

送張晉臺博士宰徐聞

諸生祖帳擁離顏
雲際飛鳧不可攀
萬里天懸瓊島月
三秋人住穀城山
梅花北嶺通閩路
海水南頭望漢關
此日鮫人愁正極
因君欲見去珠還

寄高瀛臺郡理

江左才名自世家
曾從窮巷駐征車
登臺乍對千峰雨
汎海遙看萬里槎
月下吳歌思玉樹
天南漢節隔梅花
春風露冕多吟興
筆綵都成絳闕霞

歲暮得何蘭陽叅戎書酬寄

漁陽老將別多年，歲晏開書意惘然。
綵筆何人傳賦草，青門幾處買瓜田。
笳聲久斷關前月，劍氣猶橫海上天。
莫向烟波聞同調，一竿殘雪五湖船。

恭聞東宮禮成志喜

午夜前星耀禁林，龍樓紫氣曉來深。
當年苦竭愚臣悃，此日真知聖父心。
關塞烟銷休戰伐，江湖春至起謳吟。
瑤圖億萬高皇統，只有神靈護至今。

壬寅元日試筆

一卧滄江十二春，每憐春色媚初辰。
盤椒試筆先成頌，臘蟻浮杯後入唇。
華髮欲逢星再紀，璇霄幸覩日重輪。
可知舊是商山隱，不作非熊夢裏人。

正月二日大雪

歲籥初更雪滿天，知留靈瑞符新年。
樽餘栢葉寒仍汎，笛入梅花調併傳。
六出休疑開臘後，三農猶喜降春前。
只憐吹上雙愁鬢，不逐東風散酒邊。

立秋吳翁晉郭汝承南溪小集和韻

積雨空齋久閉門，溪亭為客下壺飧。
長林一葉傳秋氣，絕壁層波吐浪痕。
莫向時艱空指畫，且將文事細評論。
晚涼不待東山月，已覺明珠照酒尊。

送阮叔文上福州司理

六月征塵滿玉鞍，閩方南路尚漫漫。
名家自擅詞人賦，望郡重簪法吏冠。
過嶺回看鴻雁白，逢秋應識荔枝丹。
中丞部曲無多在，忍問當時舊將壇。

酬寄張洪陽宮保

西江秋望水盈盈三十年來故舊情地迥雙懸梁月夢
雲深幾隔塞鴻聲山中上相稱弘景天際真師號廣成
却悔當時交臂失白頭始解學無生

送思修上人西遊少林叅請

海上浮杯自落迦叅師名嶽又天涯秋晴少室寒峰月
路遶黃河曲岸沙佛土此方開五葉仙壇何處覓三花
空門真境應無住一鉢隨緣是歲華

壽表兄少石劉翁八十

茗溪漁隱舊稱仙一卧菰蘆近百年門徑不通車馬路
行踪只在水雲天魚梁日落頻呼酒柳岸風輕每放船
試數同時鐘鼎客幾人能結海鷗緣

王仁之明經北遊過謁

常羨名家玉樹林空山何幸辱招尋青箱尚記烏衣事
綵筆能飛白雪音珠出梁園應照乘車過單父試聽琴
索居愧倒中郎屣世舊相逢意自深

唐君平文學北上謁予黃石山樓賦贈

十年幾賦穀城秋五月還登百尺樓
過雨林光渾似染拍天嶽色莽難收
一丘自遂逃名計三策誰懷濟世憂
片石峰頭君試訪書生何術事封侯

壽太宰二山楊老先生奉詔存問二首

休從絳縣數流年甲子今來已近千
進退雍容明主記精神矍鑠遠夷傳
中朝四世稱元老上界三都證大仙
聞道玄纁馳詔使莫教驚動海鷗眠

歸來時事轉囂然憲老猶聞憶舊賢
几杖重看中謁賜
牢尊特自尚方傳
期當潞國還朝日
數過磻溪遇獵年
尺一臨門應有問
酬恩何策且回天

新都程君房寄墨數螺道中為稅使所權戲作
志感

客卿聞已渡江涔
烏有何從問藝林
楮國交遊成落窠
松侯封爵付銷沉
思玄但檢張衡賦
守黑空遵老氏箴
為語中人休錯誤
隄虞原不化黃金

山堂宴坐有感

尺組當年早自拋，溪山隨處小誅茅。
孤踪放浪慚真隱，末路浮沉念素交。
萬里雲深難假翼，一枝風靜可為巢。
虛襟久已忘玄白，肯向人間作解嘲。

壽業師周先生八十

朱袍黃髮態踈蹢，壽算今齊釣渭年。
渤海舊民祠令長，蓬萊新籍註神仙。
石函自有還丹藥，菊徑曾無貰酒錢。
自幸白頭稱弟子，長陪杖屨醉花前。

寄李中丞總理河漕

陽九終疑數未真江淮保障屬貞臣風霆立破千妖膽
雨露能銷萬里塵澤國方多沉後竈河隄更少負餘薪
東南半壁歸軍府珍重艱危報主身

閒居述懷

未老歸隨鹿豕羣十年閱盡北山雲神全瓦注原非巧
名混金甌久未分歲晏誰能懷鄧禹功高自合謝田文
華陽十賚皆君寵九命何殊闕下聞

哭馮大宗伯四首

齊城笳鼓玉音開
漳水樓船素幔迴
國運能堪傾棟厦
主恩已自徹泉臺
百身莫贖千秋淚
萬事空悲一代才
忍聽雍門琴裏調
牛山凝眺不勝哀

十年講幄奉宸聰
獻納先成密勿功
著就新書惟賈傅
傳來啟事是山公
南宮忽圻中台座
東海虛論大國風
一疏酸辛遺死諫
何人不信史魚忠

海色雲門欲斷腸
君家今昔事堪傷
慈烏夜遶空林月

雛鳳寒棲苑樹霜
劍許延陵何處掛
書成名嶽幾時藏
還疑綠鬢文昌相
別版仙卿侍玉皇

前年執手碧山阿
剩有心期對薜蘿
只擬麒麟當日畫
不疑鸚鵡去時歌
平生倡和牋常滿
別後封題字未磨
垂老自憐知友盡
幾回悲淚灑流波

送郭汝承都試京兆二首

離歌此夕動秋聲
萬里元為薊北行
碣石曾游燕處士
緇林聊對魯儒生
毫端五色春能吐
匣底雙鋒夜自鳴

別後思君惟見月芙蓉新鏡影分明

傾蓋論交意氣偏君家才地踵前賢燕臺市駿誰稱首
洛浦登舟自是仙大業應從千古見時名不必衆人憐
西京侍從多枚馬珥筆還期直木天

送王靜所明經北謁主爵

黃石祠邊瓠子河秋聲送客起回波魯城此際重觀禮
燕市何人更和歌除吏自應收士望翹材原為廣賢科
知君苦憶臨邛令橋畔還遲駟馬過

鮑兵部山甫過訪穀城山館

飯牛隴上不曾冠有客停車問考槃
驛路烟塵勞使節田家雞黍愧盤餐
梁懸舊榻還能住袖出新詩且為看
千古蕪城傳賦草華宗誰許嗣登壇

送南皮湯明經入遊太學

渤海名家尺五天凌雲卿子世稱賢
薛公幸舍賓常滿漢代明經第最先
匣裏劍光寒射斗庭前槐色翠成烟
清時欲講河間禮六館諸生拱法筵


送邑侯見廷張君入覲二首

首春握綬出明光立見英聲滿岱陽
膏雨千家歌麥秀和風百里散花香
御屏久已書名字左省還應最奏章
多少朝元天上客驚傳年少是龔黃

千騎牙旌擁道周齊城仙令古元侯
春前鳬影翔霄漢日下鴛班拱御樓
玉宸望懸天左个黃金擎拜殿東頭
傳宣倘問羊裘隱白髮滄浪一葉舟

送寧陽徐令君入覲

魯道謳歌擁畫筵東侯奉壁遠朝天
仙鳧影集追班地神雀祥徵奏最年
別日雪銷梁父社歸時花發汶陽川
承恩莫拜黃金賜請為餘民折稅錢



穀城山館集卷十五

欽定四庫全書

集部

穀城山館集卷十六

七

詳校官中書

臣沈鳳輝

侍讀臣孫球覆勘

總校官中書

臣朱鈐

校對官中書

臣吳裕德

謄錄監生

臣宋學濂

欽定四庫全書

穀城山館集卷十六

明 于慎行 撰

七言律詩

紀賜四十首 有序

皇上登極以來日御講幄談經論藝五六儒
臣趨陪近弼晨朝三接寵賚便蕃歲無虛月
即勲貴大臣有不與焉臣慎行自丙子秋叨

侍日講至己丑七月進掌春卿始解計橫經御
案前後十有四年特恩賜予不可數計仰仞皇
上緝熙聖學懋建太平文史小臣過承恩渥
念雖捐糜無以報稱歸田間日錄出歲時賞
賚每事占詩一首以紀榮遇且見聖明初政勤
學嚮道如此使後之傳聞者有所頌說以對
揚君父之盛美云辛卯臘月臣慎行頓首記
丙子二月初與經筵進講紀述

春雲別殿倚平臺問道恭承步輦來講席平依丹地轉
經函近對御筵開凝旒晬穆聞天語委佩從容列上台
聖學方隆恩禮茂儒臣長此奉康哉

丙子七月初侍日講紀述

內殿雲深啟法筵隔屏初聽玉音宣宮臣舉案趨宸幄
閣相垂紳拱細旃壁影絲絲浮繡網籤頭字字指瑤編
氷兢祇懼終無補未覺身依尺五天

丙子八月扈從聖駕幸學賜御膳銀葉等物

臨雍縟典跨前王翠輦趨陪侍總章已聽諸生叅問難
更隨三老沐榮光八珍乍見分神鼎七寶驚看出尚方
國祚知同文運遠皇猷應共聖恩長

丙子九月工部奏進萬厯制錢式樣賜講官六
人各一錠

漢苑新成少府錢萬年寶厯赤文鐫青鳧

闕

銅官奏

黃紙題名玉署傳趙壹囊空留暫滿東方俸薄賜常偏
五侯甲第虛成埒未擬儒臣受寵年

丁丑三月上親灑宸翰大書責難陳善四字以

賜

龍箋一幅日星光天藻昭垂自尚方久向橫經窺聖蘊
還因納誨奉奎章琅函想見僊毫動蓬室驚聞御墨香
儒術承恩逢景運非同常侍漫登牀

丁丑五月大旱雩禱上齋居御講頒賜素蔬一

盒

雲漢憂歌歲事艱桑林虔禱聖心殫祈年不輟金華講

減膳猶分玉箸餐始見僊盤疑汎露却嘗寶饌是調蘭
崇朝膚寸紆宸想霖雨應騰四野歡

丁丑八月奏進世廟實錄賜白金文綺錫宴南
宮

十載編摩帝典成神功四紀勒昇平瑤書此日陳丹陛
石室從今秘赤城賜服總分新綺繡陪班猶見舊公卿
漢家枉續周南史欲藉藏山作世程

戊寅正月上出內府畫冊命講官六人各題四

幅分得宣廟御畫二幅詩成奏上各賜銀葉
一包

百年壁府護僊葩奉詔恭題睿覽賒豈為丹青懸日月
欲憑翰墨發雲霞叨榮乍捧銀為葉摘藻虛慙筆有花
文學承恩逢盛典黃金買賦未應誇

戊寅正月上尚巾禮成羣臣稱賀賜白金文綺
負宸年來海嶽安春朝繡幘始勝冠龍樓拂曙天顏近
玉座垂旒日角寬九廟神靈應已慰兩階環珮不勝歡

通臣幸奉青蒲對珍賜還看出上闌

戊寅正月進講賜大紅織成段衣一襲

講殿朝朝聖渥頻賜衣又見出楓宸織成共識金梭巧
貢到初開錦樣新色借宮雲紅近日香浮僊珮暖宜春
垂裳幸值軒唐理補袞無勞愧許身

戊寅二月大婚禮成賜萬喜金字綵幣等物

前殿欣觀六禮成十門容物動班迎歡聲欲滿雙龍闕
春色先歸五鳳城擬向宮闈歌燕喜敢期幃幄被恩榮

聞道宸遊臨太液龍舟鳳管畫樓邊

八月十七日萬壽聖節賜白金文幣及鏤金萬壽福祿篆字銀書黃朱靈符等物歲以為常
華渚祥開禁籞天恩光每覺近臣偏
園加白壁來天上
錦散紅雲出日邊
裁就靈符華舜旦
鐫成寶畫紀堯年
銜恩効祝慙無補
金鑑先時獻御筵

十月朔日頒歷賜新書五十冊歲以為常

聖后乘乾萬宇欣明堂布朔啟靈文
龍墀已忭羣工賜

玉版仍陪上宰分奠展瑤階春動律日蒸寶鼎氣成雲
慙將赤管隨恩澤試卜周年祝大君

十一月二十九日聖母萬壽聖節賜金幣鏤金
篆字黃朱靈符等物歲以為常

長樂凝和婺彩光侍臣沾貺聖恩長璆琳內苑開銀甕
雲錦天機隱御香鳥跡呈書僊算永龍文紀瑞寶符黃
朝來碧落韶蕭度內殿親稱萬壽觴

冬至恭侍慶成大宴

南郊夜燎泰壇烟內殿朝開大慶筵兩陞衣冠承湛露
千門鐘鼓震鈞天親瞻玉几雲霄上久汎僊盃日月邊

溫旨三傳咸已醉歡聲動地未央前

宴中三奉玉音初
云官人酌酒再云

斟滿三
云飲乾

甲戌七月奏進穆廟實錄賜白金文綺宴於南

宮

紬書金匱愧非才會是先朝侍從來鵷列趨隨蘭檢進
龍衣立待石函開濡毫每憶攀髯望珥筆新承賜錦迴

大典已成鴻號永聖心南面尚含哀

賜內府新刻經史直解

獻納金華閱歲年石渠同異已成編
縹緗每向鸞扉獻
琬琰新成玉府鐫
聖主淵衷開道籙
小臣丹悃托言筌
還期至德登三五
經訓當如日月懸

賜新刻擊壤集

千古名儒道業真
弄丸常自擬堯民
詎知異代逢明主
猶訪遺編賜近臣
迹托無名言未隱
理超有象物皆春

虛憐輕薄詞人體總似枚鄒亦後塵

賜新刻韻府羣玉

策府羣書代所耽珠英玉屑卷中探曾聞乙夜開芝檢
敢望彤庭錫寶函子孺休稱三篋記莊生漫向五車談
從前亦恐酬清問浩瀚青藜閣上叅

賜畫面川扇

九華綵扇貢巴東午日承恩出漢宮雲影金泥黃帕解
花開寶繪玉函空擎來濯錦江頭月動處披香殿裏風

自是君恩在懷袖惟將皎潔矢丹衷

賜鮮笋

殊錫光生玉笋班曾從青簡賦檀欒蒲筐乍解香盈座
錦籜初分綠滿盤一飯疑含僊禁雨三秋猶憶北牕寒
慚無鳳實儀十仞祝有龍孫長萬竿

賜鮮藕

芙蓉別殿曉風涼玉井靈根出水香薦熟方聞開寢廟
賜鮮已見布朝堂冰絲欲斷鮫人縷瓊液疑含閨苑霜

憶昨金鰲橋上望紅衣翠蓋滿銀塘

賜鮮楊梅

臘脂濕暈火珠紅
吳苑楊梅入漢宮
帆帶春冰江上水
盤分曉露禁門中
曾聞枝裊闌前月
似聽花飄笛裏風
消渴詞臣空有賦
慚無鼎寶附羣公

賜鮮枇杷

佳名漢苑舊標奇
北客由來目不知
綠萼經春堆籠日
黃金滿樹入筐時
江南漫道珍盧橘
西蜀休稱薦荔枝

千里梯航來不易
懷將餘核志恩私

賜鮮桃李

講罷傳宣殿左廂
分將芑品爍盈筐
宮桃剖出丹霞冷
僊李沈來碧玉香
方朔瑤池人汗漫
安仁金谷賦荒涼
懷恩正恐虛秋實
不羨春華吐豔陽

賜鮮鮓魚

六月鮓魚帶雪寒
三千江路到長安
堯厨未進銀刀鱠
漢闕先分玉露盤
賜比羣卿恩已重
頒隨元老遇猶難

遲回退食慚無補僊饌年年領大官

己卯春以病在告上疏乞歸值聖體違和旋
即萬福再賜萬喜金字白金文綺於私第拜
恩

春朝華祝動僊班寂寞詞臣尚閉關七日曾疑遊帝所
一春全未覩天顏簪符已奉期門送金帛還從卧閣頒
長使聖躬承昊貺歸山魂夢亦應間

己卯請告南旋奉恩詔乘傳并賜金綺路費

經術承恩侍漢京歸家猶作錦衣行
賜金闕下誇疏傳擁傳橋邊愧馬卿
試語鄉閭應未見即垂簡冊亦稱榮
江湖未覺長安遠咫尺葵心向日傾

癸未甲申三扈聖駕上陵賜大紅織金曳撒鸞
帶等物

閣門五夜聽傳呼受賜先從左闕趨
繡帶平懸金鑿落鞞囊斜掛錦襜褕
行隨豹尾陪天仗立傍螭坳夾御爐
却笑甘泉稱侍從不知原廟似今無

甲申春月扈從車駕奉兩宮聖母閱定壽宮賜
綵花文綺等物

鑾輿三駕出山隈
墨食欣傳福兆開
地擁真圖連朔塞
天留紫蓋作軒臺
兩宮共倚璇丘望
萬乘親扶玉輦陪
遙見黃門傳散綵
紅雲朵朵下山來

丙戌廷試讀卷賜宴文華西室遣內監出陪例
也

臨軒五度擢英才
品第連朝直帝臺
香案前頭文字進

殿門西畔埴筵開清班許從元公列曲宴傳教內監陪
聖代得賢應有頌遭逢惟祝泰方來

丙戌秋月以皇次子生賜萬喜金字綵花金幣
等物

西宮送喜到宸旒侍從恩隨禁苑優勝剪雙枝花作綵
金鐫萬喜字當頭他年茅土應藩漢此日珪璋早頌周
共識昭陵多王氣年年春色滿龍樓

丙戌冬至南郊扈駕聖母軫念天寒特賜薑蘇

杏仁一盒

黃門飛鞚到天壇傳道東朝賜講官祇為甘泉勞扈從
特從溫室下盤餐調蘭欲動先春色斲桂渾消午夜寒
慈念殷勤知有望慙無一字罄衷丹

丁亥二月奏進大明會典賜白金文綺宴於南
宮仍給三代誥命

九朝謨烈玉書藏祖德宗功萬祀昌漢代不須條故事
周家惟用考前王頒恩內省恩綸降賜宴南宮廣樂張

就裏儒臣稱最渥持煩三錫下龍章

戊子九月壽宮隨駕步視寶城還於東廊稱賀

玉音宣勞賜茶並賚綵花文綺等物

朱樓絳闕冠層霞玉軾金支駐翠華元相幄中分御錦
侍臣冠上珥宮花僊城步閱教隨駕別殿常參命賜茶
可道龍顏多喜豫萬年福地屬皇家

己丑六月三品考滿荷蒙聖恩遣內使及門齎

賜羊酒寶鈔

典禮南宮侍禁筵還因奏績荷恩偏牢尊特遣中涓賜楮幣親從少府傳漫擬恩華同八座猶將名字廁羣僊多慚衮職曾無補一卷牙籤十四年

庚寅辛卯久病在告雨荷聖恩遣內使臨問頒賜米粥瓜茄等物

卧閣驚聞勅使來綈函黃帕到門開微痾曲軫君親念朽質寧堪雨露培內苑香粳加匕箸天厨珍茹溢饗臚銜恩隕涕沾衾枕魂夢初疑帝所迴

辛卯九月乙休得請欽遣內使齋賜路費寶鈔
次日又遣內使齋賜白金文綺蓋六卿日講
各有特恩也

乙休十疏始抽簪勅使連朝出禁林備物卿臣元自厚
殊榮講幄舊來深初衣已卷天機錦歸橐猶函內殿金
慚負宸慈何以報惟將丹宸效餘歲

穀城山館集卷十六

欽定四庫全書

穀城山館集卷十七

明 于慎行 撰

五言長律

閣試玉河水泮六韻

春色臨僊掌
龍池積素開
蛟迎新旭斷
魚逐暖波來
雲影回彤閣
風紋觸繡苔
不緣分玉鏡
何處見瑤臺
桂楫思無限
雕闌望未迴
從茲賦曲水
長奉萬年杯

閤試賦得秋菊有佳色八韻

曄彼黃金萼，脩然白露天。
馨香堪自葆，顏色為誰鮮。
零落玄都盡，蕭疎灞上烟。
亭亭涼雨後，冉冉曉霜前。
小苑寒無奈，疎籬翠可憐。
餐英騷客賦，送酒逸人眠。
不為春華少，其如晚節堅。
擷芳未云已，聞雁夕陽邊。

冬至郊壇扈駕受賜紀述六韻

紫極膺圖日，黃郊款帝年。
鈞陳依太乙，容衛駐甘泉。
奉詔趨深殿，開軒覲邃筵。
陽知回洞府，身覺夢鈞天。
恩自

親臣渥珍從內苑傳所祈靈貺遠長共聖恩延

扈從恭謁山陵紀述十四韻

啟佑欽昭代勲華冠列王九宮靈肅穆十葉祚輝光
劍儀型遠松楸歲月長璿儀局大象玉座敞玄堂河嶽
開天險乾坤護地藏勢應環雁塞脉起自龍岡寂寞軒
皇鼎虛無漢殿觴皇情勤歲事明德薦時嘗環佩羣真
會染盛萬國將六宮陪負土百辟扈濡霜上食雕筵遠
遊衣玉輦香駢驂玄武仗寥廓白雲鄉聖孝綿無極神

圖鞏未央侍臣三倡嘆稽首詠羹牆

恭陪聖駕步詣南郊禱雨有述六韻

閑歲宸慈渥雩郊曠典行重城虛奉輦小隊罷陳兵玉
馬飛塵擁天衣浣布成望雲歡兆姓夾日走羣卿禮數
湯林薄明禋漢時輕皇宮應有鑒何以答精誠

西郊夕月六韻

翠駕臨西苑瑤壇夕夜明三天凝象緯百辟會簪纓鑑
瑩玄珠落尊芳玉醴盈上辛殷舊秩少采達遙誠肅肅

金龜靜沈沈玉宇清方明開輦道燈火入西城

賜扇六韻

雉尾移春殿鸞綃出內宮侍臣移玉案天語落瑤空披
拂開函處歡欣擁佩中團紗驚麗製裂素屬良工百綺
裝明月十門散彩虹承恩咸不暍懷袖得仁風

上座師殷棠川相公生辰四十韻

聖代平津閣誰當不世賢鴻儒登禁闥駿烈耀台躔崧
嶽生申日東山卧謝年小亭臨曲水別墅在平泉金鼎

調羹七丹丘笈玉編改衣中府幣置酒大官錢綺席排
雲麗朱輪映日鮮玉簫花裏度瑤草座中寧憶昔鵬搏
海旋看鶴上天滄溟雲九萬岱嶽里三千射策終軍少
傳經戴聖專文章千古上器畧萬夫前鈴閣金蓮炬僊
扉玉版箋宮霞春爛漫花草日芊綿鶴禁清班遠銀宮
內渥偏浮丘輸羽翼綺里奉周旋苦口皆良藥成功考
細旃翊龍升碧漢捧日出虞淵問道朝三接酬庸歲九
遷羣材齊入彀百辟絕隨肩斗際尚書劍花陰學士磚

常賢新相漢郭隗舊師燕鳳閣雲霄上鸞臺日月邊虛
心收物表朗鑒洞幾先談笑回元化從容鎮八埏繫還
南越組蕩盡北門烟吐握終無倦色藏細不捐星迴三
殿履月上五湖船窈窕雲歸岫蒼茫楫濟川兒童趨畫
轂父老認金蟬春色南山雨秋香北渚蓮只今門似水
自昔道如弦彌繫蒼生望難耽綠野便小夫慙獲落早
歲荷陶甄地忝青藜閣吟虛白雪篇逢人惟說項下帳
每延宣洩渤歸丹錄駕駘受玉鞭病拋池上佩貧種汶

陽田世態鷺銜腐人情蟻慕羶真心求避俗野跡慕逃
禪試檢南華頌遙登北海筵懷恩心耿耿為壽舞翩翩
欲訪三山路長年證偓佺

述大司空鎮山朱師治河功成百韻

帝統恢元運皇猷播大方匡時資禹牧翊聖邁軒唐四
瀆承休遠三靈協眎長金繩煥上瑞玉牘啓殊祥邈矣
思河洛遐哉徹土疆堯年疏砥柱漢日塞宣房一自神
州奠長令泰宇康有時仍美溢無策乃隄防國祚千年

脉河流一帶航通淮環寢廟達濟灌庾倉碣石東輸海
陶丘北望漳川靈忱效順水德固難量何夕成頌洞經
時害雨暘蛟龍微濩畧舟楫半披倡近市多飄瓦沈沙
總沒槍漁磯聲噉噉鮫室涕浪浪萬馬長河北千帆大
澤旁扼吭三輔震枵腹六軍尪帝謂疇能乂公為庶所
揚鸞書方痛切熊節敢相羊平土玄圭命登山玉簡藏
鋪筵瑤作瑱醺酒玉為漿海若連蜷望河公跋扈強嘻
乎雲漫漫可得土茫茫未謂新渠易其如故道殃良圖

宗賈讓碩畫踵平當畚鍤諸州力樵蘇五道糧萬夫聲
洶涌百吏狀詩張避地開奇險陂山鑿大荒淇園輸萬
竹渭水出雙璫澤國三徂暑河隄四履霜雨行風淅瀝
露宿月荒涼乘橈隨塗足顰眉問裏瘡時煩蒼水玉躬
御紫游韁解瑟思何眇吹埤和不防已成開馬頰胡乃
遇羊腸匪石心難轉含沙道豈傷人馬俱諷議公也獨
劄勅十二疏清濟三千激呂梁漕舟胡澹澹河水自決
決粳稻充天府粉榆護帝鄉楚包來橘柚越篚薦瓊琅

浮磬登淮浦孤桐下嶧陽連旌迴六鷁疊鼓震雙鶴竹
箭乘流駛桃花逐水香川光明錦纜風色動牙檣岸草
蕭蕭白汀蘆瑟瑟黃津亭遙不斷驛閣更相望罨謁圖
淮樹分明植汶篁新畬烟漠漠稔歲室穰穰國既成溝
洫民兼足稻粱賽神沈馬壁築闕象龍堂漢愧王尊節
秦虛鄭國塘一朝通充冀終古奠徐揚作舍謀應破盈
庭議乃襄藏書封宛委畫閣勒旂常力竭身其瘁勞深
報未償無論升鼎鼐有以潤縹緗憶昔鍾庚昂歸然起

豫樟垂天凌鳳翥振海壓龍翔道解環中趣談傾稷下
塲文章追兩漢翰墨俯諸王趙壁連城價隋珠照乘光
風猷洵駭厲器度展汪洋射策超深殿持荷步廣廊聲
華人綠鬢閱閱世青箱試政名城宰蜚英華省郎歆沙
轅歷塊切玉劍垂芒閩海常公化河陰召伯棠三齊崇
岳牧七命備圭璋大國行風俗中臺布紀綱憂氓思扇
暘祝歲試吞蝗望野飈猶赤掌帷鬢欲蒼非因勤振貸
安得慰流亡北斗回星履東人宿繡裳方齊祠漢相學

壘社庚桑藻火庸匡舜鹽梅實佐商九流欽水鑒百辟
式羔羊自錫虞廷瑞因違漢殿觴維新承歷服求舊匹
明良周度登元老殷憂侍御床六符光大紫八座列文
昌玉燭輝無斁瑤圖鞏未央精忠享黼宸孤立抗銀璫
砥石千鈞力兼金百鍊鋼巉巖兼土壤渙濬納汙潢座
有陳遵客奩無陸賈裝功崇心愈下道久力方將御廐
騰騏驎天池沐鳳凰家聲知璨曜神理固昭彰賤胄生
無賴孱資少不颺垂髫操誦籥束卷侍門牆推食家闈

禮趨庭子弟行如天何以報矢日耿難忘久矣虛燕價
蕭然滯魯狂吹噓欣化枳斲削謝為宋豈有光冲斗應
無穎脫囊鑄顏慚上第報陸已荒莊忝載蘭臺筆曾隨
桂浦塘河渠焉敢續聊以播餘芳

送御史大夫與川葛公致仕東歸四十韻

赫矣皇王代庥哉社稷臣三朝依日月八座上星辰海
岱鍾元氣夔龍托後身由來人望久莫訝主恩頻自奏
三千牘今更五十春風霜隨處厯雨露幾回新譽籍僊

曹佩文操郢匠斤分符全陝地開府大河濱留省司邦
禮銓曹佐國均雲方離遠岫鴻復上秋旻兩著東山履
重徵渭水綸明時登鼎鼐晚節識松筠北斗當喉舌西
臺領搢紳從龍仍沛霽象嶽再嶙峋祇為酬丹宸應難
厭紫宸紀綱羣吏肅聲教一時淳石砥中流柱風清要
路塵門無朱履客座有布衣親共味心如水何妨鬢似
銀况逢冲聖主全仗老成人尚父開周日韋賢相漢辰
猶間青玉杖卻憶白綸巾五疏辭逾切三秋願始伸感

恩寧避世頤老欲韜真展轉紆皇眷從容出帝闈宮階
行日拜天語賜時諄酒醉都門帳花飛易水津康人共
白榮臺隸從朱輪異數優元老休聲壘九垓志原睽雁
鷺名已畫麒麟始謝人間事還隨物外賓安期新寄語
曼倩舊為隣境地烟波隔心期鳥雀馴固知風后侶本
是葛天民先子同攀桂他時吐獲苗執鞭曾入洛伏軾
亦遊秦倉卒情何渥蒼茫迹已陳遺孤重接待舊事轉
酸辛自幸依高矩誰堪愴別神踟躕歌此曲聊爾謝鴻鈞

夏日從馮葛二太史遊碧雲寺十韻

靈峰環御苑寶地敞僊筵磴道湖邊出重闌木杪懸危
巖深吐月曲洞細生烟壁蔭捎雲竹階流噴玉泉松風
聞梵夜梅雨散花天淨土風塵絕空門伏臘偏十千初
地境百萬尚方錢響屨苔痕積璇題鳥跡鐫無生應證
法有漏未稱緣浩劫何由問跏趺翠嶂前

從二太史遊香山寺十韻

風慕香山勝振衣度石林烟嵐開上界臺殿倚層岑地

盡羣峰合天迴四壁陰松闕旁翳日杏閣仰捫叅樹結
菩提色泉飛梵唄音歸雲朱拱宿間鳥翠屏吟涌塔名
多寶開田號布金西湖寒雨斷北闕暮烟深客飯伊蒲
供僧房薜荔侵禪心無去住遊跡且浮沈

曲阜謁少昊陵六韻

白帝傳遺迹窮桑訪故城丘陵何代築碑石幾時傾鳳
紀金天歲虹分華渚精人烟連聖里鳥雀識官名落日
荒原冷悲風古木平祇令郊子國百世邈宗盟

東平謁堯祠六韻

古殿空山裏荒丘野戍邊
星文臨魯甸雲氣仰堯天
綺棟丹霓落雕楹翠蘚鐫
僊賞猶應月黛柏自含烟
化想垂裳代人懷擊壤年
名言志浩蕩流眎土階前

曲阜謁周廟六韻

新宮嚴禴祀舊域應奎婁
負宸開王化分茅胙帝勲
勞周禮樂宗祐魯春秋
暮色徂徠雨寒聲泗汶流
雲霞丹殿敞苔蘚玉階幽
闕里長鄰近猶疑寤寐遊

恭謁闕里聖廟二十韻

運會皇風邈乾坤聖宇開文章苞六代道德範三才象
應奎婁次靈鍾海嶽隈人傳歌鳳去地想泣麟迴舊里
僊源秘遺宮帝制恢樂聲存魯殿車器出秦灰羽籥
諸生肄牲牢萬乘來兩楹儀紫闥雙觀表璇臺問禮庭
猶在藏書壁已頽畫廊圖藻綠寶閣寫瓊瑰古檜當時
植新松幾代栽唐碑鐘作篆漢石繡成苔翫冕三千侍
雲仍百憶陪小儒慚朽質微分筵羣材鑪冶從甄鑄章

縫荷翦裁繪天忘色相望海隔沿洄日月丹霄曜江河
晚世催懷恩知罔極不去久低徊

從二兄登雲翠山南天觀十二韻

大地標瓊觀真遊入翠微中天開突兀半嶺度崔嵬回
見平原繞低看野氣圍河流剛若帶雲出宛成衣霄漢
身應近烟霞手自揮林篁天杪盡村落谷中稀過雨鳴
松壑懸泉幕石扉地餘丘子竈名倣富春磯人去無雞
犬春歸有蕨薇歌從靈運和藥向長房祈綠酒聊為爾

丹砂不可幾醉來忘日夜戀賞未言歸

雲翠絕頂東望盪山十韻

二山在邑東南二十里水經所謂大盪也

躡屩登丹嶂開尊矚錦岑懸厓分日月衆壑異晴陰鳥
道霞標度泉流樹杪侵神工圖紫翠靈斧削欽峯縹緲
雲生岫霏微霧出林依稀瑤草色彷象玉笙音人代迷
陵谷山形自古今醉餘歌爛漫秋至氣蕭森舊紉蘭蓀
佩新抽玳瑁簪登高仍望遠都寄采芝心

夏日遊扈泉六韻

奇峯涵秀景絕境劇靈泉遠脉遙通海平流半倚天欸
驚銀漢落隱似白虹懸歆雪圖青壁飛珠散紫烟風恬
聲未歇月出影相連對酒沾瓊液分波灑玉田濯纓同
調在流水共潺湲

恭謁孝陵有述十四韻

聖迹開玄造神都奠舊疆基圖垂萬祀謨烈冠千王風
雨園陵閉衣冠寢用藏霞標懸絳闕雲際拱雕梁勝地
盤龍虎高丘下鳳凰石麟秋作雨鐵馬汗為霜落月鋪

金鎖飛花上玉牀
重闕陳豹旅濡露集鴛行
扈蹕羣靈會包茅九域將
長江縈閣道疊嶂列宮牆
禮樂恢丕夏明威肅大方
治成周六典法畫漢三章
縹緲松楸路昭回日月光
小臣歌帝則繩武祝今皇

登報恩寺浮屠覽眺十韻

寶域橫三界璇標鎮八溟
盤空依日月飛磴躡辰星
乍似攀僊掌旋疑陟紫庭
五城秋雨霽九市晚烟冥
遠樹層層白連山面面青
曇花揮塵落僊梵倚欄聽
彌覺皇

居麗因知佛土靈前朝流水盡初地劫灰經銷歇悲人
代疎狂混醉醒不愁天路近風御自泠泠

魯國主賜宴述謝十韻

閭門停使節國府覲親賢別殿陳丹宸重樓敞御筵三
清甘醴汎七部法音傳舞曲秋霜麗歌聲淥水妍奎婁
古分野鳬嶧奠山川申白談詩日枚鄒獻賦年為儒原
在魯作客久遊燕幸侍蘭臺宴慙無桂樹篇春生脩竹
雨人醉綠雲天欲勝延陵客觀風六代前

雙鶴六韻

白鶴歸何暮雙飛下海田夜寒華表月春暖玉臺烟赴
影隨疎節流聲應別絃緜山疑是雪吳市儼如僊燕雀
空卑翼蜉蝣自小年何當成六翮颺舉閭風前

己丑入院部宴八韻

東閣頒新命南宮考上筵車旌三殿下劍佩五雲邊柳
映金隄日花飛紫陌烟九衢欣聚覩百吏奉周旋驚鸞
儀瓊樹驂騑望玉鞭四科卑漢制三物狹周年桃李歸

薇省人文列琰編得賢應有頌欲獻衮衣前

貢院臨校即事八韻

桂闕翹賢日蘭宮列署開五方偕計吏三試擢英才畫
燭通宵映金鉦動地迴千林輸郢匠萬馬會燕臺綵筆
全成陣明珠半出胎藻衡懸玉府鐘漏切璇台幸厠春
城賞欣看上苑裁垂衣逢景運側席泰方來

上太保夢山楊公八袞生辰五十韻

海嶽鍾元氣台樞列大賢功成循歲序名重屬林泉共

羨生申旦真逢獵渭年延齡瑤草進續命絲絲懸石落
山中相婆娑地上僊氷肌姿綽約黃髮步蹁躑盛瑞人
間紀殊恩闕下宣尚方頒壽杖少府致餐錢使者車臨
巷門人佩委筵蓬壺樓十二桃嶺歲三千善頌連纓綉
榮名耀史編傳芳知有後樹偉固無前憶昔登丹地精
忠拱邃綬兩朝資弼亮百辟奉周旋履聽星辰上身依
日月邊惟師官六典作宰柄三銓簡要羣情肅清通一
節堅退朝門似水輟饋爨無烟雅和鹽梅味工調燥濕

紆帝臣元不蔽王道允無偏機重千鈞弩丹成百鍊鉛
同升栳在野獨樂憶歸田解紆猷方壯懸輿歲屢遷庖
刀藏自滿扁鑿巧誰傳小築嗤金谷清吟慕輞川雨餘
南隴望日靜北牕眠鳥外登山屐花間送酒船曉猿迎
客報暮鶴寄書旋姓字雕題問聲華繡簡鐫溫公耆社
逸裴令午橋便黠淡看時事蕭疎絕世緣風塵何逼側
道路日喧聞鯨海方傳箭龍沙有控弦樓船南動越烽
火北通燕料敵爭前箸和戎喪左旃爭臣翻避地遊客

正談天可惜朝廷體休論將相權人今思拯溺公豈念
扶顛潞國威名重汾陽壽祉全後車應命載前席佇登
延風忝龍門役曾參豹尾聯周行歸矩護鄭重想陶甄
自祖都亭帳尋歸岱畝廬海天雲漠漠濟水月娟娟夜
雪虛蘭棹春風沐錦牋會聞稱上壽幾欲致微虔祇是
心饑渴其如路眇綿斗山終在望粉梓敬誰先東壑安
期東西峰玉女蓮無因持獻祝聊賦紫芝篇

送平陰楊令遷晉府審理二十二韻

藉甚神明宰循良踵二京關西綿世胄梁苑茂家聲玉
季雄霜府蘭昆比月卿談經推上第縹組試專城濺澤
同春育孤操共水清萊蕪塵甑滿單父玉琴鳴紀政馴
田雉憂時憤海鯨懸金親教射握槊自觀兵月稟揮將
盡雲徒練已成不甘馳羽檄直欲請長纓廟畫方蒐雋
藩僚亦采英會聞公府辟先假士師名彭澤歸陶令長
沙召賈生兒童啼擁路父老泣沾紵花樹存遺愛棠陰
鬱別情幽居門久杜過訪蓋頻傾聽雨山坳醉衝寒渡

口迎談玄詞要妙舉白氣縱橫自覺交情洽誰堪遠思
盈寒氷結去水飛雪繞前旌鼓吹聲何急驪駒賦載賡
壯心應未已斗畔倚青萍

揚善談兵適被撫臺檄留
欲赴東征故篇中及之

代送劉侍御出按滇南十韻

藉甚西臺客才名起蜀都使星今六詔家學古三蘇倚
柱傳新草題橋出舊塗驄連原上轡柏集府中烏越嵩
兵多少昆池瘴有無人稱八使選地入百蠻孤魚服遙
通海蟬冠近渡瀘風霜隨漢節雷電偃軒弧聲教南荒

盡封章北闕敷明光須早入聊此賦驪駒


輓關西馬相公十二韻

揆路登賢日台階扈聖年長庚光若月太華降從天聽
履鸞臺舊橫經鶴禁偏兩朝資裴亮萬化想陶甄不悟
鴻鈞運真如糾纏黃麻花裏拜素幔雪中旋一夕虛
金鉉千秋閉玉泉都人捐佩玦明主輟宮懸無復梅和
鼎空悲楫濟川函關銷紫氣渭水出新阡慘愴秦臺月
淒涼隴樹烟唯餘麟閣畫終古繡青傳

哭賈石葵司馬張玉陽宗伯二十韻

出處分歧路朋交望各天一朝知己盡兩地訃音傳賦
草張平子詩名賈浪僊銅龍行比翼金馬入隨肩然諾
俱相信襟期各自憐盤飧談謔浪杯酒意流連聚散浮
雲失升沈宦海牽遠遊江上省小隱澤陽田密勿頒新
渥艱難訪舊賢南宮陪聽履西府佐籌邊魯道軒車發
梁園駟馬旋同時趨寵命連月入重泉照乘悲沈璧孤
桐悵絕絃臺烏何日返池鳳幾時騫里思齊休杵皇恩

再輟懸丹旌津樹雨總帳海門烟夢斷論交地心推憶
別年報書猶在篋留劍已成肝糾纏何交錯遽虛總遞
遷楊朱非一涕南北兩潜然



穀城山館集卷十七